

STRANKA PRISILJAVALA GRAĐANINA NA KANDIDOVANJE ZA IZBORE I RAD U IZBORNOJ KOMISIJI - ZBOG POSLJEDICA MORAO TRAŽITI POSAO U DRUGOM GRADU

Nedobrovoljni kandidat za izbore

Visokoobrazovan nezaposlen građanin (30 godina) bio je pod velikim pritiskom od stranke pred lokalne izbore 2020. godine. S obzirom na stepen njegovog obrazovanja, stranka je željela da on bude kandidat na izbornoj listi i predvodilac kampanje u određenim mjesnim zajednicama, a sve sa ciljem prikupljanja što većeg broja glasova.

Posao koji je visio kao nagrada

Stranka je otišla i korak dalje. Dovedi su ga u iskušenje da se zaposli u određenoj javnoj instituciji ako bude kandidat na izbornoj listi, na što on nije pristao.

Ponuda za rad u izbornoj komisiji i praćenje birača za stranku

Uprkos njegovom odbijanju sudjelovanja, stranka ga je neposredno prije izbora pozvala da bude član izborne komisije. Plan je uključivao pomno praćenje birača i provjeru kako je ko glasao. Svaki glas bi bio pomno dokumentovan na papirima koji bi se na kraju dana predali predstavnicima stranaka.

Odbijanje sudjelovanja u izbornoj prevari

Uprkos raznim oblicima pritiska, poziva, pa čak i ucjena, građanin je čvrsto odbio da bude dio neregularne izborne kampanje. Vođen istinskom ljubavlju prema Bosni i Hercegovini, njegov karakter ga je spriječio da pristane na bilo kakvu manipulativnu taktiku i ugrozi integritet izbornog procesa.

Poslijeizborne posljedice: nezaposlenost i potraga za poslom u drugim gradovima

Nakon izbora, nikada se nije uspio zaposliti u njegovom rodnom gradu. Iako je aplicirao na konkurse, navodi kako je njegovo ime i prezime stranka namjerno zanemarila jer je naređeno da se on ne smije uzeti u razmatranje za posao. Shodno tome, bio je primoran da se zaposli u drugom gradu.